

# НЭ'МА ПАУЛОС КОЛОСИЙАР'А

## Пешготьна институте

Павлос бь ве нэ'ме бэрбь'и щьвина<sup>ф</sup> бажаре Колосйайеда дьбэ. Колосйа нава Асйа Бьч'укда, бажарэки алийе р'оһьлата Эфэсе бу. Н'име ве щьвине р'аст э бь дэсте Павлос нэһатьбу данине, ле жь алийе пыштгыре ви Епафрасе колосида. Ле Павлос диса кьрбу дэине стуйе хвэ, вэки бона щьвина Колосйаие бехэм нибэ у жь Эфэсе һэвал-хэбатед хвэ дьшандэ вьр, нава к'ижанада Епафрас жи бу (1:7; 4:12-13). Павлос заньбу кё Колосйайеда дэрсдаред шаш һэбун кё щьмэ'т хин дькьрын, вэки мьляк'эта<sup>ф</sup>, ходантия у һ'окөмэтийед жорьн бьһ'эбиньн (1:16; 2:18, 23). Эв дэрсдаред шаш өса жи хин дькьрын, кё гэрэке р'ав-р'эзьмед<sup>ф</sup> э'дэт хвэйи кьн, бенэ сьнэткирьне<sup>ф</sup>, һ'эрам<sup>ф</sup> нэхвьн, р'ожед һ'эсабэ э'зиз хвэй кьн, сэр ве йэкер'а дэрбаз нэбьн (2:6-23).

Мэрэме Павлос нэ'меда эв э, кё р'ийа р'аст нишани бавэрмэнда кэ у ве йэке бьгьһинэ һ'эмуйа, кё т'эне Иса Мэсйи хьлазбуна<sup>ф</sup> т'ам дьдэ, ле эв һ'эму һ'эбандьн у бавэрийед<sup>ф</sup> майин бавэрмэнда жь ве хьлазбуне дур дьхьн. Хвэде бь дэсте Иса Мэсйи дьняа э'фьранд у бь ви жи мэрьвайе<sup>ф</sup> вэдыгэр'инэ бэрбь хвэ. Иса сэр һ'эму һ'окөмэтийед э'зманар'а йэ у т'эне эв э сэре щьвине. Т'эне йэктия Мэсйида гөмана хьлазбуна мэрьвайийе һэйэ. Пэй ван ширэтар'а, вэки эв һаш жь хвэ һэбьн у жь хальфандьн у хинкьрьнед шашэ нэр'аст дур бьн, паше п'ара нэ'мейэ хьлазийеда Павлос дэрһэда жийина нуда

дъдэ к'ѳше, гэрэке хэлэқэтиа бавэрмэндэд Мэсиг  
һындава һэвда чава бһн.

### Сэрэщэма фькьра нэ'ме

Пешготьн (1:1-8)

Бһнйат'а Мэсиг у кьред ви (1:9-2:19)

Мэсигда жийина ну (2:20-4:6)

Пашготьн (4:7-18)

### Сьлавкьрын

**1** <sup>1</sup> Жь Павлосе бь э'мьре Хвэде шандийе<sup>ф</sup> Мэсиг Иса у  
жь Тимот'ейоие бьра,

<sup>2</sup> Щьмэ'та Хвэдер'а, ван хушк-бьрайед амьнэ йэктиа  
Мэсигда кө Колосийаеда дьминьн:

Дэ бьра к'эрэм<sup>ф</sup> у э'дьялайиа Хвэдейе Баве<sup>ф</sup> мэ\* ль вэ  
бэ.

### Дөа у шькьрдайна Павлос

<sup>3</sup> Эм т'эме гава бона вэ дөа дькьн, шькьрийа хвэ ль  
Хвэдейе Баве Хөдане<sup>ф</sup> хвэ Иса Мэсиг тиньн, <sup>4</sup> чьмки мэ  
бона ве бавэрийа<sup>ф</sup> вэйэ сэр Мэсиг Иса у ве һ'эзкьрна  
вэйэ һындава т'эмамийа щьмэ'та Хвэдеда бьхистийэ.

<sup>5</sup> Эв йэк жь ве гөмане те, йа кө э'зманада вэр'а те  
хвэйикьрне, бона к'ижане вэ бьхистийэ, гава пешда  
хэбэра Мьзгинийейэ р'аст <sup>6</sup> гьһиштэ вэ. У эв Мьзгини  
т'эмамийа дьнйаеда дьгьһижэ у бэр дьдэ, чава нава  
вэда жи жь ве р'ожеда, гава вэ бьхист у к'эрэма<sup>ф</sup>

---

\* 1:2 Нав дэстньвисаред һынакада эв жи һэйэ: «У Хөдане<sup>ф</sup> мэ Иса  
Мэсиг».

Хвэде т'эмамийа р'астийа вева нас кър. <sup>7</sup> хун ве йэке жь хэвалхөламе мэйи һ'эзкьри Епафрас һин бунэ, кө һындава мэда\* бэрдэстики мэсиһи<sup>ф</sup> амьн э. <sup>8</sup> Эви бона ве һ'эзкьрна кө Р'өһ' дайэ вэ\* мэр'а гот.

<sup>9</sup> Бона ве йэке жи жь ве р'ожеда гърти, гава мэ бона вэ бьһист, мэ дэст жь дөа у һивикьрне нэк'шандийэ, вэки хун занэбуна э'мьре Хвэдеда гьһишти бьн, бь һ'эму сэрвахти<sup>ф</sup> у занэбуна р'өһ'анива т'ьжи бьн, <sup>10</sup> вэки хун бькарьбьн хвэ өса хвэй кьн, чава лайиқи Хөдан э, һэр алийава ль ви хвэш бен, һэр қэнщикьрнеда хвэйибэр бьн, бь занэбуна Хвэде бьгьһижьн. <sup>11</sup> Бьра хун анэгори т'эмамийа ве қəватa вийэ кө жь зорайийа вийэ хвэйир'умэт те қəват бьн, кө хун һэр тыштида бь думька дьреж сэбьр бькьн. Бь эшқ <sup>12</sup> шькьрийа хвэ бьдьнэ Баве\*, кө хун\*\* лайиқи ве йэке кьрнэ, вэки хун П'адшатийа р'онайеда т'эви щьмэ'та ви бьбьнэ хвэйип'ар. <sup>13</sup> Эви эм жь һ'өкөмэтийа тэ'ристанийе хьлаз<sup>ф</sup> кьрн у щи-гөһасти П'адшатийа Көр'е хвэйи һ'эзкьри кьрн, <sup>14</sup> пе к'ижани\* эм аза бун, ава готи мэ бахшандьна гөна станд.

### К'и йэ Мэсиһ у шьхөле ви чь йэ?

<sup>15</sup> Эв э сурэте Хвэдейе кө хөйа набэ,

---

\* 1:7 Нав дэстньвисаред һьнэкада дэвса «һындава мэда» «һындава вэда» һэйэ.

\* 1:8 Бь йунани хэбэр бь хэбэр аһа йэ: «һ'эзкьрна нава Р'өһ'да».

\* 1:12 Нав дэстньвисаред һьнэкада аһа йэ: «Бав Хвэде».

\*\* 1:12 Нав дэстньвисаред һьнэкада дэвса «хун» «эм» һэйэ.

\* 1:14 Нав һьнэк дэстньвисаред пашвэхтиьеда аһа йэ: «Бь хуна Көр'е ви».

эw Ньхөрийе Хwэде йэ, сэр h'эму э'фьринар'а\*.

<sup>16</sup> Чьмки бь дэсте wi хэр тыштед ль э'рд у э'змана  
э'фьринэ,

чь кө хөйа дьбьн, чь кө хөйа набьн,

хэгэр к'өрси йан хөданти бьн,

хэгэр сэрверти йан h'өкөмэти бьн,

хэр тышт бь дэсте wi у бона wi э'фьринэ.

<sup>17</sup> Эw бэри хэр тышти хэбу

у хэр тышт бь сайа сэре wi щийе хwэда дьминьн.

<sup>18</sup> Эw э сэре Бэдэне, аwа готи сэре щьвине<sup>ф</sup>,

дэстпебуна we у ньхөрийе жь нава мьрийа,

wэки хэр тыштида эw бьбэ йе пеш.

<sup>19</sup> Чьмки ль Хwэде хwэш hat, кө т'эмамияа бьнийат'а  
хwэдетийе нава wiда бэ

<sup>20</sup> у бь wi хэр тышти т'эви хwэ ль hэв бинэ,

хэгэр ль сэр э'рде бэ, йан жи ль э'змана бэ,

бь we хуна wийэ сэр хаче<sup>ф</sup> р'ьжийайи э'дьялайийе бькэ.

<sup>21</sup> hун жи кө wэхтэке жь дэст фькьр у кьрьнед хwэйэ  
хьраб, хэриб у нэйаред Хwэде бун, <sup>22</sup> ле ньна эwi бь  
мьрна Мэсиhэ бэдэни hун т'эви хwэ ль hэв анин, wэки  
wэ ль бэр хwэ пироз<sup>ф</sup>, белэк'э у бесуц бьдэ сэкьнандьне.

<sup>23</sup> Ле т'эне гэрэке hун бawэрийеда h'имгьрти qэвин  
бьминьн у жь we гөмана Мьзгинийе нэк'эвьн, йа кө  
wэ бьhист у wan h'эмуйар'а, йед кө бьн п'эр'е э'зменда  
дьминьн hatэ даннасинкьрьне. У эз, Павлос бумэ  
бэрдэстийе we.

---

\* 1:15 Бь йунани хэбэр бь хэбэр аha йэ: «Ньхөрийе h'эму э'фьрина  
йэ». «Ньхөри» те фэ'мкьрьне, кө эw бэри h'эму э'фьрина хэбуйэ у сэр  
wan'а йэ. Эв бэ'са хэлэqэтига Исайэ т'эк т'энейэ т'эви Хwэде дькэ,  
кө эw нэ йэки э'фьри йан хольqi йэ, ле эв хэлэqэти чава хэлэqэтига  
көр' у баве йэ. Аwа готи бэри э'фьрандьна дьне Көр' хэбу.

### Щэфайед Павлосэ бона щывина Хвэде

<sup>24</sup> Эз ньһа ван щэфайед хвэда, к'ижана кө бона вэ дьк'ьшиньм, ша мэ у ван тэнгасийед<sup>ф</sup> Мәсиһә майин бь щанийа хвэ бона Бэдәна ви, йа кө щывин<sup>ф</sup> э, т'эмам дькьм. <sup>25</sup> Эз we щывинер'а бумэ бәрдәсти, эв йәк алийе Хвэдеда чава дәйн к'этэ стуйе мьн, вәки готьна Хвэде т'эмамыйе пева быгьһиньмэ вэ, <sup>26</sup> эв сөр'а кө жь дәвр у қөр'нада вәшарти бу, ле ньһа щьмэ'та вива ә'йан бу. <sup>27</sup> Хвэде хвэст ль бәр щьмэ'та хвэ вәкә, кө чь дәвләмәндтикә хвәйир'умәт ве сөр'еда бона һ'әму мьләта һәйә. У эв сөр' эв э, кө Мәсиһ нава вәда йә, ава готи һун гөмана we йәке нә, кө п'ара р'умәте бьн. <sup>28</sup> Әм ви даннасин дькьн, һәр кәси ширәт дькьн, һәр кәси бь һ'әму сәрвахтийе һин дькьн, вәки һәр кәси йәктийа Мәсиһда гьһишти ль бәр Хвэде бьдьнә сәкьнандьне. <sup>29</sup> Бона we йәке жи эз дьхәбьтм у анәгори we қәwата ви шәр'е хвэ дькьм, йа кө нава мьнда бь зорайи йа хвэ дькә.

**2** <sup>1</sup> Эз дьхвазьм һун заньбьн кө эз чь шәр'и дькьм бона вэ, йед Лавдькйәйе у һ'әмуьед кө р'у бь р'у эз нәдितьмә. <sup>2</sup> Эз аһа дькьм, вәки дьлшьдийайи бьн, һ'ьзкьрьнеда бьбьн йәк у быгьһижьнә т'эмамыйа дәвләмәндтийа фә'мдарийе. һьнге әве сөр'а Хвэде нас кьн, кө Мәсиһ э. <sup>3</sup> Әв э к'ьлита һ'әму хьзна занәбун у сәрвахтийа вәшарти. <sup>4</sup> Эз ве йәке дьбежьм, вәки т'ө кәс вэ бь заре ширьн нәхальфинә<sup>ф</sup>. <sup>5</sup> Р'аст э эз бэдәна хвэда жь вэ дур ьм, ле р'өһ'е хвэда т'әви вэ мэ у эз ша мэ кө п'әргалийа вәйә т'ьфақ<sup>ф</sup> у әв бавәрийа вәйә сәр Мәсиһ шьдийайи дьбиньм.

### Жийина йэктийа Мәсінда

<sup>6</sup> Ава вә чава Хөдан Мәсін Иса қәбул кър, өса жи йэктийа вида бьжин, <sup>7</sup> р'ав<sup>ф</sup> авити, сәр ви чекьри у бавәрийеда шьдийайи һ'имгьрти бьн, чава һун һатьнә һинкьрьне. У һәр гав бь дьле р'ази шькьрийе бьдьнә ви.

<sup>8</sup> һаш жь хвә һәбьн, нәбә кө йәк бь сәрвахтийа дәрәвә п'уч' дьле вә бькә һесир. Әв жь ә'дәтед мәрьва<sup>ф</sup> у сьхьред<sup>ф</sup> ве дьнйайе\* тен, нә жь Мәсін. <sup>9</sup> Чьмки т'эмамия бьнйат'а хвәдетийе нава Мәсине бәдәнида йә <sup>10</sup> у һун жи йэктийа вида гьһишти нә, кө сәре һ'әму сәрвертийа у һ'өкөмәтийа йә.

<sup>11</sup> Йәктийа вида һун бь сьнәта бе дәст жь алийе Мәсінда дьле хвәда һатьнә сьнәткьрьне<sup>ф</sup>, жь бьнйат'а хвәйә гөнәк'ар<sup>ф</sup> һатьнә бьр'ине. <sup>12</sup> Гава һун пе аве һатьнә ньхөмандьне<sup>ф</sup>, т'әви ви һатьнә дәфьнкьрьне<sup>ф</sup> у бь we ньхөмандьне жи һун т'әви ви жь мьрьне р'абун, чьмки вә бавәрийа хвә бь қәвата ви Хвәдеи ани, йе кө Мәсін жь мьрьне р'акьр. <sup>13</sup> У һун вәхтәке бь р'өһ'ани нава нәһәқийа у бьнйат'а хвәйә гөнәк'арә нәсьнәткьрида мьри бун, ле Хвәде һун т'әви Мәсін сах кьрьн. Әви һ'әму нәһәқийед мә бахшандьнә мә <sup>14</sup> у әв к'ахаза дәйнед мәйә кө бь қәйдә-қануни мьқабьли мә һатьбу ньвисаре, жь наве һьлда у дармьхе хьст. <sup>15</sup> Бь ви дармьхи Мәсін ч'әкед сәрвер у һ'өкөмәтед тә'ристанийе да данине, әв чава һесир пәй хвә бьрьн, нава к'ома хвәйә сәрк'әтида кьрьнә сосрәт.

---

\* 2:8 Аһа жи те фә'мкьрьне: «Шәхсед р'өһ'анийә кө һ'өкөми сәр ве дьнйайе дькьн».

<sup>16</sup> Аwa göh нэднэ т'ö кэси, йед кө бона пьрса хварьн, вэхварьне йан жи бона пьрса щэжьна у щэжьнед һива ну öса жи р'ожед шэмийа, wэ ломэк'ар<sup>ф</sup> дькьн. <sup>17</sup> Эв һ'эму сийа ван тышта нэ, йед кө we бен, ле р'асти Мэсиг э. <sup>18</sup> Нэбэ кө йэк дэсте wэ жь лэщхэлате бькэ, йе кө бь хвэньмьзкьрьна һ'ьлэк'ари, мьлйак'эт<sup>ф</sup>-һ'эбандьне у бь гиробуна дитьнед бэр ч'э'ва мьжул э. Йед öса бь фькьред п'уч'э мэрвайи п'ышка хwэда дьwэрьмын <sup>19</sup> у хwэ иди ль Сери нагьрьн, кө Мэсиг э. Бь wi т'эмамийа бэдэне бь п'эвгьрек у севькава һэвва гьредаи те хwэйикьрьне у бь гиһандьна Хwэде дьгьһижэ, ль гора хwэстына wi.

<sup>20</sup> Аwa һэгэр һун т'эви Мэсиг мьрьнэ у жь сьхьред ве дьнйаие аза бунэ, иди һун чьма мина бэре пэй э'рф-э'дэтед ве дьнйаие дьчьн? һун чьма göh дьднэ т'эмийед аһа? Мэсэлэ: <sup>21</sup> «Незик нэбэ, тэм нэкэ, ле нэк'эвэ». <sup>22</sup> Эв һ'эму мьжули жи we п'уч' бьн һэр'ьн, эвана жь т'эми у һинкьрьнед мэрва нэ. <sup>23</sup> Фэ'мдари йэ кө эв э'рф-э'дэт чава сэрвахти хойа дьбьн, гава дькьнэ стуйе хwэ кө мьлйак'эта бьһ'эбиньн, хwэ ньмьз кьн у бэдэна хwэ бьднэ щэфе, ле эв һ'эму мьрабьли бьнйат'а гөнэк'ар т'ö тышти накьн.

### Жийина ну у жийина кэвьн

**З** <sup>1</sup> Аwa кө һун т'эви Мэсиг жь мьрьне р'абунэ, кө öса йэ ль тыштед жорьн бьгэр'ьн, we дэра к'ö Мэсиг ль мьле Хwэдеи р'асте р'уньшти йэ. <sup>2</sup> Сэр тыштед жорьн бьфькьрьн, нэ кө сэр тыштед ве дьнйаие. <sup>3</sup> Чьмки һун мьрьнэ у э'мьре wэ т'эви Мэсиг щэм Хwэде вэшарти йэ. <sup>4</sup> Гава Мэсиг, кө э'мьре wэ йэ хойа бэ, һуне жи һьнге т'эви wi бь р'умэта wi хойа бьн.

<sup>5</sup> Аwa хwэстьнед дьле хwэйэ ве дьне бькӱжын: Бенамусийе, һ'эрабийе<sup>ф</sup>, тэме хьраб, дьлһавьжийа хьраб у тьмайе, кӱ п'утп'арьсти<sup>ф</sup> йэ. <sup>6</sup> Эв ын сэбэб кӱ хэзэба Хwэде we сэр ван мэрьвед кӱ нэ гӱр'а<sup>ф</sup> wiда нэ бе. <sup>7</sup> Wэ жи wэхтэке эw тышт дькьрын, гава wэ нава ван кьред хьрабда дьжит.

<sup>8</sup> Ле ньһа һун ван һ'эмуйа жь хwэ дур хьн: һерсе, бэрзэдийе<sup>ф</sup>, хьрабийе, к'ьфьри-зьфьрийе у хэбэред нэщайиз жь дэве хwэ. <sup>9</sup> һэвдӱр'а дэрэwa нэкьн, чьмки wэ мэрьве кэвьн кьред wива жь сэр хwэ ехьстийэ <sup>10</sup> у эwi ну ль хwэ кьрийэ. Эw мэрьве ну р'ож бь р'ож анэгори сурэте Э'фьрандаре хwэ те нукьрьне, wэки Хwэде т'ам нас кэ. <sup>11</sup> Иди фьрқи нэ нава щьһу<sup>ф</sup> у нэщьһуйада<sup>ф</sup> һэйэ, нэ нава сьнэткьри у нэсьнэткьрийада, нэ барбар у бэйанийада\*\* у нэ жи хӱлам у азайада, ле сэри Мэсиһ э у Мэсиһ э нава һэр бawэрмэндида.

<sup>12</sup> Аwa чаwa щьмэ'та Хwэдейэ бьжартийэ пироз у һ'эзкьри, дьлшэwатийе, қэнщийе, мьлуктийе, бэрбьһерийе у сэбьре ль хwэ wэргьрын. <sup>13</sup> Ль һэв сэбьр кьн у ль һэв бьбахшиньн, һэгэр газьне йэки ль һьндава йэкида һэбэ. Чаwa Хӱдан\* бахшандэ wэ, һун жи ӱса бьбахшиньнэ һэв. <sup>14</sup> У сэр ван һ'эмуйада һ'эзкьрьне ль хwэ кьн, йа кӱ ван һ'эмуйа бь йэктия т'ам һэwа гьредьдэ. <sup>15</sup> Бьра э'дьялийа Мэсиһ сэрwertийе

---

\* 3:11 Бь йунани хэбэр бь хэбэр аһа йэ: «Йунан» кӱ ль вьр те фэ'мкьрьне: «Нэщьһу».

\*\* 3:11 Бь йунани хэбэр бь хэбэр аһа йэ: «Скути». Эw э'ширэкэ ч'э'вед йунанада һэрэ пашдамайи бу.

\* 3:13 Нав дэстньвисаред һьнэкада аһа йэ: «Мэсиһ» йан жи «Хwэде бь дэсте Мэсиһ».

нет-фькьред вэ бькэ. Бона we э'дьялайийе хун хатьнэ газикьрьне, кө бьбьнэ мина бэдэнэке. У шекьрдар бьн. <sup>16</sup> Бьра хэбэра Мэсиһ бь дэвлэмэндтийа хвэва нава вэда бьминэ. Бь һ'эму сэрвахтийе ль һэв һин кьн у ширэт кьн, зэбура<sup>ф</sup> у һэр щур'э стьранед р'өһ'ани бь шькьрдари дьле хвэда бона Хвэде бьстьрен. <sup>17</sup> У чь жи кө хун бь хэбэра йан кьра бькьн, һэр тышти бь сайа наве Хөдан Иса бькьн, бь дэсте ви шькьрийе бьдьнэ Бав Хвэде.

### Т'эмийед бона нэфэред малда

<sup>18</sup> К'өлфэтно, гөр'а меред хвэда бьн, чава кө ль йэктийа Хөдан дьк'эвэ. <sup>19</sup> Мерно, к'өлфэтед<sup>ф</sup> хвэ һ'эз бькьн, дьле ван нэешиньн. <sup>20</sup> Зар'но, һэр тыштида гөр'а де у баве хвэда бьн, чьмки эв йэк ль Хөдан хвэш те. <sup>21</sup> Бавно, һерса зар'ед хвэ р'анэкьн, вэки эв бэр хвэ нэк'эвьн.

<sup>22</sup> Хөламно, һэр тыштида гөр'а хвэйийед хвэйэ ве дьнеда бьн, нэ кө бь һ'ьлэк'арийе хвэ бькьнэ дьле мэрьва кө бенэ к'ьфше, ле бь дьле сах у хофа Хөдан хөламтийе бькьн. <sup>23</sup> У чь жи бькьн, бь дьл у щан бькьн, чава бона Хөдан, нэ кө бона мэрьва. <sup>24</sup> Заньбьн кө һуне жь Хөдан бенэ хэлаткьрьне, варе жорьн бьстиньн. Чьмки Хөдан Мэсиһр'а хун хөламтийе дькьн. <sup>25</sup> Ле йе нэһэқ we вэкэ нэһэқийа хвэ бьстинэ, чьмки ль щэм Хвэде т'ө фьрқи т'өнэ.

**4** <sup>1</sup> Хвэйино, хөламед хвэр'а һэқийе у р'астийе бькьн. Бьзаньбьн кө Хвэйе вэ жи ль э'змен һэйэ.

### Хирэта дөакьрьне у сэрвахтийа һьндава нэбавэрада

<sup>2</sup> һэр гав хвэ бьдьнэ дөа, дөакьрьнеда һ'ьшйар бьминьн, шькьрийа хвэ ль Хвэде биньн. <sup>3</sup> Бона мэ жи дөа бькьн,

вэки Хвэде дэри бона хэбэрдане ль бэр мэ вэкэ, кӧ эм сӧр'а Мэсиһ э'лам кьн, бона к'ижане жи эз ван қайдада мэ. <sup>4</sup> Дӧа бькьн, кӧ эз we ӧса зэлал бьдмэ э'йанкьрне, чава борще мьн кӧ эw гэрэке бе готьне.

<sup>5</sup> Ђндава нэбауэрада сэрвахт бьн у дэст бьднэ бэр вэхт. <sup>6</sup> Бьра хэбэрдана вэ мэ'рифэти у хвекьри бэ у бьзаньбьн кӧ чава щайиз э щаба һэр кэси бьдн.

### Сьлавед ахьрийе

<sup>7</sup> Бона мьн Тьхико we һэр тышти вэр'а бежэ. Эw бьраки дэлал э, бэрдэстики амьн у һэвал-хӧламеки йэктия Хӧданда йэ. <sup>8</sup> Эз бона we йэке wi сэр вэда дьшиньм, вэки һун һаш жь мэ һэбьн у эw бь ве йэке дьл бьдэ вэ. <sup>9</sup> Эз wi т'эви бьрайе мэйи амьни дэлал Онисимо дьшиньм, кӧ эw жь вэ йэ жи. Эвана вэр'а we бона һэр тыштед кӧ ль вьр дьқэвьмьн бежьн.

<sup>10</sup> Эристархойе һэвале мьни кэледа ль вэ сьлав дькэ, ӧса жи Марқосе пьсмаме Барнабас<sup>ф</sup>. (Бона wi вэ т'эми стандийэ. Гава бе щэм вэ, wi қэбул кьн.) <sup>11</sup> У Исайте кӧ жер'а Йусто жи дьбежьн ль вэ сьлав дькэ. Эвана т'эне жь алийе бауэрмэндэд щьһуйада<sup>ф</sup> бона П'адшатийа<sup>ф</sup> Хвэде т'эви шьхӧле мьн ьн у бина мьн бь ван дэрк'этийэ. <sup>12</sup> Сьлаве Епафрасе хӧламе Мэсиһ Иса жи ль вэ һэнэ, кӧ эw йэк жь вэ йэ. Эw һэр гав бь дьл у щан бона вэ дӧа дькэ, вэки һун гьһишти мьқэр'м сэкьни бьн, т'эмамийа э'мьре Хвэдеда бауэр бьн. <sup>13</sup> Эз шэ'дэ мэ, кӧ эw гэлэки бона вэ, ӧса жи бона йед Лавдькйае у һираполиседа хирэт дькэ. <sup>14</sup> Луқайе дохторе дэлал ль вэ сьлав дькэ, ӧса жи Димас. <sup>15</sup> Сьлаве бьднэ хушк-бьрайед

## КОЛОСИ 4:16–18

---

Лавдъкйайе, Нимфаса хушк у щывина мала веда\*. <sup>16</sup> Гава эва нэ'ма нава вэда бе хвэндъне, өса бькын кӧ щывина Лавдъкйайеда жи бе хвэндъне у нэ'ма лавдъкийар'а шанди жи һун бьхуньн. <sup>17</sup> У бежънэ Архипо: «Бона ви рӧльхе кӧ тэ жь Хӧдан стандийэ, мьрати хвэ би, кӧ бини сери<sup>Ф</sup>».

<sup>18</sup> Эва сълава мьн Павлос э, мьн бь дэсте хвэ ньвиси. **Qэйдед мьн бир нэкьн!**

К'эрэма Хвэде вэр'а бэ.

---

\* 4:15 Нав дэстньвисаред һьнэкада дэвса «Нимфаса хушк у щывина мала веда» «Нимфасе (бъра) у щывина мала вида» һэйэ.